

Հ. ԹՈՒՓՈՒԼՈՒԹՅԱՆ

ՀԱՅԵՐԻ ՄԱՍՆԱԿՑՈՒԹՅՈՒՆԸ ՍԻՐԻԱՅԻ ԵՎ ԼԻԲԱՆԱՆԻ ԱԶԳԱՅԻՆ
ԱՆԿԱԽՈՒԹՅԱՆ ՊԱՅՔԱՐԻՆ 1943—1945 ԹԹ.

1943—1945 թթ. Սիրիայում և Լիբանանում հզոր վերելք ապրեցին ազգային-ազատագրական շարժումները ֆրանսիական իմպերիալիզմի ստրկացուցիչ տիրապետության դեմ:

Առանց կրոնի և ազգության խտրության, այդ շարժումներն իրենց ուղորտն էին ներգրավել բանվորներին ու գյուղացիներին, ինչպես նաև մանր ու միջին բուրժուազիայի լայն խավերին, որոնք ենթարկված էին իմպերիալիզմի ճնշմանը և կաշկանդված ֆեոդալիզմի կապանքներով:

Արաբ ժողովրդի կողքին, միավորված ճակատով ռեզիստանսի միջոցառումներին մասնակցելով, Սիրիայի և Լիբանանի հայությունը զգալի չափով նպաստեց ֆրանսիական իմպերիալիզմի տիրապետության տապալմանը և ազգային անկախության վերականգնմանը:


* * *

1941 թ. մայիսի 27-ին, վիշիական գեներալ Դենցի հրոսակներին Սիրիայից ու Լիբանանից վտարելու գործում այդ երկրների ժողովրդական զանգվածների աջակցությունն ապահովելու նպատակով, Ազատ ֆրանսիական զինված ուժերի հրամանատարությունը մանդատները վերացնելու խոստում տվեց, իսկ նույն թվականի նոյեմբերի 26-ին գեներալ Կատրուն Ազատ Փրանսիայի անունից Սիրիան ու Լիբանանը հռչակեց անկախ և սուվերեն պետություններ:

1942 թ. Ալամեյնում գերմանա-իտալական զորքերի պարտության մեջ դաշնակիցների դեմ Մերձավոր և Միջին Արևելքում ստեղծված վտանգը վերացավ, ուստի և ոչ մի լուրջ պատճառ չկար Սիրիան ու Լիբանանը գրավման ներքո պահելու: Սակայն ֆրանսիական իմպերիալիստները շուղեցին հարգել իրենց հանդիսավոր խոստումները և հեռանալ այդ երկրներից:

1943 թ. սեպտեմբերի 21-ին Լիբանանի կառավարության պրեմիեր մինիստր նշանակվելուց հետո Ազգային պարտիայի պարագլուխ Ռիադ Սուհր առաջարկեց Սահմանադրությունից ջնջել այն բոլոր հոդվածները, որոնք բացառիկ իրավունքներ էին տալիս ֆրանսիական իմպերիալիզմին՝ իբրև ղեկավարման մանդատ ունեցող պետության: Նոյեմբերի 5-ին, Ազատ ֆրանսիական ուժերի լիազոր ներկայացուցիչ Հելլենոն հրապարակեց պաշտոնական կոմյունիկե, որտեղ ասված էր. «Այդ հոդվածները չի կարելի առանց փոխադարձ համաձայնության, միակողմանի կարգով ջնջել, հետևաբար անվավեր է մ հայտարարում Լիբանանի կառավարության որոշումը Սահմանադրության փոփոխության մասին»¹: Այնուամենայնիվ, նոյեմբերի 8-ին, Լիբանանի

¹ «L'Orient», Beyrouth, 6 Novembre, 1943.



պառլամենտը մեծ ոգևորությամբ վերանայեց Սահմանադրությունը՝ հաճելով ֆրանսիական մանդատին վերաբերող հոդվածները: Դա նշանակում էր, որ ֆրանսիական իմպերիալիզմի հետագա գոյությունը իրանանում այլևս անհնարին է համարվում:

Սահմանադրության վերանայման գործում նշանակությունից զուրկ չէին պառլամենտի հայ պատգամավորների քվեները: Վերանայման առաջարկի դեմ օպոզիցիա ստեղծելու նպատակով, ֆրանսիական իմպերիալիզմի գործակալները աշխատում էին քրիստոնյա պատգամավորներին, այդ թվում և երկու հայերի, դրավել իրենց կողմը: Արտահայտելով հայ աշխատավորական զանգվածների կամքը, պառլամենտի անդամ Հրաչյա Շամլյանը քվեարկեց իրանանա՞ն ստրկացնող այդ հոդվածների դեմ: Իսկ դաշնակների ներկայացուցիչը, որը վաղուց ի վեր հայտնի էր ֆրանսիական իմպերիալիզմին մատուցած իր ծառայություններով, պարզապես շմասնակցեց այդ պատմական անմոռաց նիստին²:

Իրանանի պառլամենտի այդ ակտին ֆրանսիական իմպերիալիստները պատասխանեցին նոյեմբերի 11-ի դիշերը ձերբակալելով իրանանի Ռեսպուբլիկայի պրեզիդենտ Բեշարա էլ-Նուրիին, պրեմիեր Ռիադ Սուհին և մյշարբ մինիստրների: Ապա, դեկրետով պրեզիդենտ նշանակվեց Ֆրանսիայի հայտնի գործակալ Էմիլ էդդեն, որի կազմած կառավարությունը շարժանացավ ժողովրդի հավանությանը:

Այդ միջոցառումները բողոքի հզոր ալիք բարձրացրին Սիրիայում և իրանանում: «Իրանանի ազգային համագումարը» ժողովրդին կոչ ուղղեց՝ բուկոտի ենթարկել ֆրանսիական իմպերիալիզմի դրածոներին և պաշտպանել ազգային կառավարությունը, որի մի շարք անդամները զինված դիմադրություն էին պատրաստում Լեոնային իրանանի Բշամուն գյուղում: Բեյրութում հայտարարվեց ընդհանուր դործադուլ, որին Դամասկոսն ու Հալեպը արձագանքեցին համերաշխության լայն շարժումով: Ֆրանսիական բանակը կրակեց ժողովրդի վրա՝ բողոքի ցույցերը փողոցային մարտերի վերածելով: Իրանանի իրադարձությունները խոր հուզում առաջացրին նաև մյուս արաբական երկրներում: Ֆրանսիական իմպերիալիզմի դեմ ցույցեր տեղի ունեցան նաև Կահիրեում, Երուսաղեմում, Բաղդադում:

Դեներալ Կատրուն Ալժիրից ժամանեց Բեյրութ: Նոյեմբերի 21-ին ֆրանսիական իշխանությունները ազատ արձակեցին բանտարկված պետական գործիչներին, սահմանադրական կարգը վերահաստատվեց: Դեկտեմբերի 23-ին գեներալ Կատրուի և Սիրիայի ու իրանանի կառավարությունների ներկայացուցիչների միջև համաձայնություն կայացավ այն մասին, որ 1944 թվականի մայիսի 1-ից այդ կառավարություններին փոխանցվեն մանդատի որոշ ֆունկցիաները:

Ֆրանսիական իմպերիալիզմի կատարած դիջումները կրում էին մասնակի բնույթ: Դրանք նախատեսում էին մարսատան, նավահանգստի, փոստ-հեռադրական և այդ կարգի մի շարք այլ սպասարկությունների փոխանցումը ազգային կառավարությանը: Հիմնական հարցը՝ ֆրանսիական և բրիտանական զորքերի հեռացման հարցը, որն ամենից ավելի նշանակություն ուներ Սիրիայի և իրանանի անկախության ամրապնդման տեսակետից, մնում էր

2 «Ժողովրդի Ձայն», Բեյրութ, 14 մայիսի 1947 թ.:

առկախ: Այնուամենայնիվ, այդ թեկուզ մասնակի զիջումներով, ֆրանսիական իմպերիալիզմը մի անգամ ևս հաստատում էր երկու երկրների անկախությունը:

1943 թ. Նոյեմբերի 1-ից մինչև 21-ը բախտորոշ օրեր էին Սիրիայի ու Լիբանանի ազգային անկախության պայքարի համար:

Նոյեմբերյան շարժումների կազմակերպողն ու առաջնորդը հանդիսացավ «Լիբանանի ազգային համագումարը», որի մեջ միավորվել էին աշխատավորական, ազգային անկախության կողմնակից բուրժուական և մանր բուրժուական պարտիաներն ու կազմակերպությունները, ինչպես նաև կալվածատերերի և կոմպրադորական բուրժուազիայի որոշ խմբակցություններ: Հասարակական այդ հակադիր ուժերի համագործակցություն հիմք էր ծառայում ֆրանսիական իմպերիալիզմի տիրապետությունը ամեն դնով տապալելու խնդրը:

Ֆրանսիական իմպերիալիզմի վտարումով, մինչև աշխատավորության և ազգային բուրժուազիայի կազմակերպությունները ձգտում էին Լիբանանի ինքնուրույն պետականության ստեղծմանը, ընդհակառակը, հետադիմական խմբակցությունները երազում էին ազատագրված Լիբանանը դնել բրիտանական իմպերիալիզմի տիրապետության ներքո՝ իրենց կապիտալների շրջանառության ասպարեզը ընդարձակելու համար: Չպետք է անտեսել, որ 1941 թվականից Անգլիան նկատելի դեր էր խաղում, մասնավորապես բանից հետո, երբ Սիրիայից ու Լիբանանից գեներալ Դենցին վտարելու համար ֆրանսիացիներին օգնելու պատրվակով նրան հաջողվեց զորք ուղարկել այդ երկրները:

1941—1943 թթ. անգլիական զենքերալ Սպիրսը, որը վարում էր ֆրանսիական իմպերիալիզմին Մերձավոր Արևելքից հեռացնելու քաղաքականություն, կարողացավ Սիրիայում և Լիբանանում բրիտանական իմպերիալիզմի համար հենարաններ ստեղծել: 1943 թ. առաջինը, Լիբանանի պառլամենտական ընտրություններում Բեշարա էլ-Խուրիի և Ռիադ Սուհի հաջողության գործում նկատելի դեր կատարեցին գեներալ Սպիրսի գործակալները:

Քաջ գիտենալով, որ Սիրիայի ու Լիբանանի ժողովուրդները բրիտանական իմպերիալիզմին ատում են այնքան, որքան ֆրանսիական իմպերիալիզմին, դրողականների պրոպագանդայի ապարատը մերկացնում էր էլ-խուրիներին, ռիադ-սուհիներին և մյուսներին, նրանց բրիտանական իմպերիալիզմի գործակալ ներկայացնելով, և կոչ էր անում՝ ժողովրդին՝ շմասնակցել «Լիբանանի ազգային համագումարի» կազմակերպած ընդհանուր գործադուլին, որն իրր ծառայելու էր սոսկ բրիտանական իմպերիալիզմի տիրապետության հաստատմանը:

Ընդհանուր գործադուլը վճռական նշանակություն ուներ էմիլ էդդեի դրածո իշխանության տևականացումը կանխելու համար: Նոյեմբերի 11-ից մինչև 21-ը, ֆրանսիական իմպերիալիստները բոլոր միջոցներով աշխատեցին ձախողել այն, սակայն ապարդյուն: Նրանք, նախ փորձեցին պառակտում առաջացնել Ազգային համագումարի շարքերում, օգտագործելով նրա բաղկացուցիչ կազմակերպությունների սոցիալ-քաղաքական հակասությունները և հետո, իբրև փրկության վերջին միջոց բրիտանոյա-խալմական հակամարտությունները: Չեռնամուխ լինելով իրենց այդ նպատակի իշխանացմանը, ֆրանսիական իմպերիալիստները փորձեցին օգտագործել նաև հայերին: Ազգային համագումարի միջոցառումներից հայերին հեռու պահելով, նրանք կարող էին ծանր հարված հասցնել ընդհանուր գործադուլի հաջողու-

թյանը, նկատի ունենալով, որ հայերը կազմում էին Բեյրութի ազգաբնակչության 20—25%-ը:

Նախ և առաջ, ֆրանսիական իմպերիալիզմը և նրա գործակալները փորձեցին լարվածություն ստեղծել հայերի և արարների միջև: Անդրադառնալով այդ մտքեր պղտորելու անհաջող փորձին, «Լիբանանի ազգային համագումարի» թերթը գրում էր. «Այս երկրում ապրող հայերին վախեցնելու համար, չարամիտ խառնակիչները լուր տարածեցին, թե մեր կառավարությունը նախօրոք պատրաստված ծրագրի համաձայն, որոշել էր հայերին զրկել լիբանանյան քաղաքացիությունից: Քիչ էր մնում, որ մեր հայ եղբայրները հավատալիս այդ ստին, եթե նրանց ղեկավարները չփարատեին այն, չդիմակադեր ծեին նրա հեղինակներին և հայ ժողովրդին չհրավիրեին եղբայրանալ Լիբանանի ժողովրդի հետ: Հայերը չեն կարող մոռանալ, որ թուրքական լծից ազատվելու համար իրենց պայքարում այս երկրի ազգային ղեկավարների ու ազատասերների հետ եղել են պայքարի ընկերներ...»:

Բացի այդ, ֆրանսիական իմպերիալիստները փորձեցին քրիստոնյաներին լարել մահմեդականների դեմ: Ազգային համագումարը հիմնականում իսլամական նախաձեռնություններ կայացնելով, նրանք լուր էին տարածում, որ էմիր էդդեի տապալումից հետո, էլ-Խուրի-Սուլհ կառավարությունը փոփոխություններ է կատարելու սահմանադրության մեջ, իսլամների օգտին խախտելով կրոնական համայնքների առկա դրությունը: Այդպիսի միջոցառման դեպքում, իհարկե, կտուժեին նաև հայերը, որոնք իրեն հայ լուսավորչական համայնք ունեն մի շարք արտոնություններ:

Հայկական շրջանում այդ կարգի պրոպագանդայի հավանական թյուրիմացությունները կանխելու նպատակով, նոյեմբերի 20-ին «Լիբանանի ազգային համագումարը» անհրաժեշտ է համարում մի պատվիրակություն ուղարկել Ա: Թիլիսի հայոց կաթողիկոսարան՝ տեղապահ Խաղ Աջապահյանի մոտ: Պատվիրակությունը խոսում է Լիբանանում ծավալված շարժումների ազգային բնույթի մասին և հավաստիացնում, որ դավանական բոլոր իրավունքները հարգվելու են, ոչ մի համայնք չի իրավազրկվելու մի ուրիշ համայնքի օգտին³: Տեղապահը «պատվիրակության ապահովցուց թե հայ և արաբ ժողովուրդներու եղբայրակցությունը անբաժանելի է, և այդպես ալ պիտի մնա»⁴:

Երփներանգ գործակալների ջանքերի հակառակ, ֆրանսիական իմպերիալիզմին չհաջողվեց ընդհանուր գործադուլի ոլորտից հեռու պահել հայ ժողովրդական զանգվածներին: Ամբողջ գործադուլի ընթացքում հայաբնակ թաղամասերի խանութները փակ մնացին և հայ աշխատավորությունը ակտիվ կերպով մասնակցեց փողոցային ցույցերին: Այդ պատվարներ դիրքավորումը, որն արժանացավ արաբ ժողովրդի և նրա հայրենասեր պետական գործիչների դրվատանքին, հնարավոր դարձավ շնորհիվ հայ աշխատավորության առաջավոր խավերի ճիգերին:

Ընդհանուր գործադուլի սկզբից, Սիրիայի և Լիբանանի կոմունիստական պարտիայի հայկական հատվածը փորձեց ստեղծել Լիբանանի հայ ժողովրդական միավորված ճակատ, որի ներկայացուցիչները հայության անունից պաշ-

³ Լիբանանի ազգային համագումարի օրգանը, որի անվան տեղ դրված է եղել հարցականի մի նշան, 23 նոյեմբերի 1943 թ.:

⁴ «Ժողովրդի Ձայն», 27 նոյեմբերի 1943 թ.:

⁵ Նույն տեղում:

տոնապես մասնակցեին Ազգային համագումարի ղեկավարության միջոցառումներին: Սակայն այդ ծրագիրը չիրագործվեց ֆրանսիական իմպերիալիզմի մի շարք հայազգի գործակալների հարուցած խոչընդոտների պատճառով:

Ֆրանսիական իմպերիալիստները որոշակի հույսեր էին կապել դաշնակների հետ: Բայց ապարդյուն: Նախ, իբրև ֆաշիզմի հետ գործակցելու հանցագործությամբ վարկարեկված կազմակերպության անգամներ, դաշնակները չհամարձակվեցին օրը ցերեկով պայքարի ասպարեզ իջնել (ինչ խոսք, որ ասպարեզ իջնելու դեպքում էլ, նրանք հաջողություն չէին ունենա): Երկրորդ, նրանց կաշկանդում էր նաև այն, որ բրիտանական իմպերիալիզմը հանդես էր գալիս իբրև անուղղակի շահագրգռվող կողմ և ներքին կարգով օժանդակում էր Ազգային համագումարի միջոցառումներին: Այդ պայմաններում, դաշնակները ֆրանսիական իմպերիալիզմից ստացած զենքերը օգտագործեցին ոչ թե հայ-արաբական խռովություններ առաջացնելու, այլ իրենց ակումբները և շեֆերին իբր թե հավանական հարձակումների դեմ պաշտպանելու համար:

Բացի այդ, տակավին ամիսներ առաջ, պառլամենտական ընտրությունների նախօրյակին կատարված սակարկություններով, ֆրանսիական իմպերիալիստներին հաջողվել էր «բարեկամներ» ճարել մի շարք բուրժուական քաղաքական խմբակցությունների ղեկավարների մեջ: Այդ պատճառով էլ, Լիբանանի ազգային համագումարի ջանքերը՝ հայ բուրժուազիայի լայն խավերը նոյեմբերյան շարժումներին մասնակից դարձնելու ուղղությամբ, չպսակվեցին լիակատար հաջողությամբ:

Ընդհանուր գործադուլին հայերի մասնակցության խնդրում վճռական դեր խաղաց Սիրիայի և Լիբանանի կոմունիստական պարտիայի հայկական հատվածը: Հայ աշխատավորության առաջավոր խավերը կարողացան ուղղությունը շարժումների ոլորտը ներգրավել հայ բանվորներին, գյուղացիներին, ծառայողներին, արհեստավորներին, խանութպաններին և այլն: Հայկական հատվածի գլխավորությամբ Ազգային համագումարի դրոշի ներքո գործելով, Լիբանանի հայերը ազնվորեն կատարեցին իրենց հայրենասիրական պարտականությունը երկրորդ հայրենիքի նկատմամբ: Այդ մասին են վկայում արաբական մամուլի, քաղաքական և պետական գործիչների գնահատականները:

«Լիբանանի ազգային համագումարի» օրգանի հաղորդումով, ընդհանուր գործադուլի հաջող ավարտից հետո, արաբ հայրենասերների մի պատվիրականություն այցելում է Անթիլիասի կաթողիկոսարանը՝ «շնորհակալություն հայտնելու այն ազնիվ դիրքի համար, որ հայ համայնքի զավակները որդեգրեցին Լիբանանի դատի հանդեպ»⁶: «Աստված պահե մեր հայ եղբայրներին» խորագրի տակ, անդրադառնալով նոյեմբերյան շարժումներին հայերի մասնակցությանը, «Բեյրութ» թերթը գրում էր. «Մենք ուղղակի հիացած ենք մեր հայ եղբայրների զգացումների վրա»⁷: Իսկ պրեմիեր մինիստր Ռիադ Սուլեյմանյանի 30-ի իր պրես-կոնֆերանսում հայտարարեց. «Սա հայերու ներկայությունը այս երկրին մեջ կընդունիմ գրկաբաց և առանձին հաճույքով: Անոնք այս երկրի անկախությունը գուցե մեզմե ավելի լավ պաշտպանեն, որովհետև

⁶ Լիբանանի ազգային համագումարի նշած օրգանը, 23 նոյեմբերի 1943 թ.:

⁷ «بيروت» بيروت، ٢٦ تشرين الثاني ١٩٤٣

անոնք երկար ժամանակ ապրած են բռնության տակ, պայքարած և զոհված ին անկախության համար, հետևաբար լավ գիտեն անկախության արժեքը: Իմ կառավարության սիրտը բաց է հայերու համար: Ես պիտի ընեմ այն, ինչ որ հարկավոր է, որպեսզի հետ այսու անոնք ավելի լայնորեն մասնակցին կառավարական գործերուն»⁸: Անկասկած, այդ հայտարարություններով Լիբանանի կառավարության ղեկավարը և արարական մամուլի ներկայացուցիչները ամենից առաջ ձգտում էին հակազդել այն շարանները պրոպագանդային, որ մղում էին ֆրանսիական իմպերիալիզմի գործակալները և որի արձագանքները տակավին լսվում էին մուսուլմանական տարրեր խավերի շրջանում, ոչ միայն Լիբանանում, այլև հարևան Սիրիայում:

Այդ մասին է վկայում ալն իրողությունը, որ 1943 թ. դեկտեմբերի 5-ին, ընդունելով Դամասկոսի հայության պառլիամենտին, Սիրիայի Ռեսպուբլիկայի պրեզիդենտ Շյուբրի Քուվաթլին նշում էր. «Չափազանց զգացված եմ հայերու հավատարիմ կեցվածքին: Այդ առթիվ կուզեմ ձեզի հետևյալը հայտնել, և պետք է, որ հայտնեմ: Վերջերս այն ռսի-րսավը տարածվեցավ, որ իրր թե իսլամներու և հայերու միջև տարակարծություն և խնդիր տեղի ունեցած ըլլա: Ասոնք բացարձակապես անհիմն խոսքեր են, զոր պաշտոնապես կհերքեմ: ...Մեր հարգանքը և վստահությունը հայերու հանդեպ համոզումի մը ուժը ունի: Դուք, որ այս երկրի հպատակներն եք 20—25 տարիներն ի վեր միայն, կվայելեք և պիտի վայելեք այն բոլոր իրավասությունները զորս արար ժողովուրդը ունի այս երկրին մեջ... Հայերու բոլոր իրավունքները... նկատի առնված են արդեն և պիտի առնվին հետ այսու ալ... Իսկ եթե օր մը որեւէ մեկը ուզե հարվածել հայերու իրավունքները այս երկրներուն մեջ, ես այդ բանին արգելք պիտի ըլլամ, ի հարկին իմ արյանս զնով»⁹:

Դեկտեմբերի 7-ին, Լիբանանի Ռեսպուբլիկայի պրեզիդենտ Բեշարա էլ-Նուրին, որը Բեյրութի հայոց առաջնորդարանն էր գնացել պաշտոնական այցով, պատասխանելով իրեն ուղղված ճառերին, ներբողել է հայերի հայրենասիրական դիրքավորումը և հայտնել, որ «Լիբանանի հայ համայնքը մեկ անբաժան մասն է լիբանանյան ազգության»¹⁰:

Լիբանանի նոյեմբերյան պատմական իրադարձությունները ցույց տվին, որ ֆրանսիական իմպերիալիզմի տարիներով հրահրած և արհեստականորեն կենդանի պահած ցեղային ու դավանական խտրականության, այդ խավարի ու հետամնացության ժանգոտած զենքը այլևս անզոր էր ազատության և անկախության համար մարտնչող Լիբանանի բազմազգ բնակչության դեմ: Իրավացիորեն, իսլեդ Բեկդաշը նշում էր, որ «Լիբանանը փորձով ցույց տվեց, որ կրոնը Աստծո է, իսկ հայրենիքը՝ բոլորին: Լիբանանի շարժումը լիբանանյան ազգային շարժում էր, զուրկ որեւէ կրոնական կամ ցեղային գույնից: Հազարավոր իսլամ, քրիստոնյա, գյուրդի և հայ ցուցարարներ կողք-կողքի բայլում էին առանց որ մեկը մյուսի դավանանքն իմանար, առանց որ կրոնական բնույթ կրող որեւէ բացականչություն լսվեր. այս կամ այն համայնքին կեցցենները միայն ու միայն ուղղված էին հայրենիքին, անկախության, կոնստիտուցիային և դրոշակին...»¹¹:

⁸ «Ժողովուրդի Ձայն», 1 դեկտեմբերի 1943 թ.:

⁹ Նույն տեղում, 11 դեկտեմբերի 1943 թ.:

¹⁰ Նույն տեղում, 8 դեկտեմբերի 1943 թ.:

¹¹ Նույն տեղում, 4 դեկտեմբերի 1943 թ.:

* * *

Սիրիայի և Լիբանանի ներկայացուցիչները ֆրանսիական իմպերիալիզմի հետ վարում էին ամուլ բանակցություններ ղեկավարման մանդատը իրավահավասար պայմանագրով փոխարինելու համար: Համառ կերպով, ֆրանսիական իմպերիալիստները փորձում էին մանդատը փոխարինել ստրկացուցիչ պայմանագրով: Այդ նպատակին հասնելու համար նրանք մի կողմից ճնշում էին գործադրում անգլիական կառավարության վրա, այդ երկրներում ազատ ձեռքերով գործելու իրավունք պահանջելով, մյուս կողմից՝ աշխատում էին ազդեցություն շահել ներքին հասարակական կարծիքի վրա, կաշառել թերթերին, քաղաքական և պետական գործիչներին:

Այդպիսին էր դրությունը, երբ 1944 թ. հունվարի 1-ին, Լիբանանի կոմունիստական պարտիան¹² հրապարակեց Ազգային ուխտը, որն իր 19 հոգվածներում գծում էր անկախ և սուվերեն Լիբանանի Ռեսպուբլիկայի իրական ղեկավարական կարգերի ուղին: Աշխատավորական ղանգվածների պահանջների հիմք դառնալով, այդ ուխտը խոշոր նշանակություն ունեցավ Սիրիայի և Լիբանանի ազգային անկախության պայքարում:

Ֆրանս-սիրիական և ֆրանս-լիբանանյան փոխհարաբերությունների հարցը Ազգային ուխտի տեսանկյունից գիտելով, Սիրիայի և Լիբանանի կոմունիստական պարտիաները պահանջում էին զրանք հիմնել այդ երկրների «ազատության և անկախության իրավունքի լիակատար ճանաչման վրա»¹³: Անդրադառնալով ֆրանսիական իմպերիալիզմի առաջարկած ստրկացուցիչ պայմանագրերին, որոնց դեմ հանդես էին գալիս Սիրիայի և Լիբանանի ժողովրդական ղանգվածները, Լիբանանի կոմպարտիայի առաջին քարտուղար Ֆարաջալա Հելուն գրում էր, որ «ժողովուրդը սկզբունքով չի մերժեր դաշինքներու կամ համաձայնագրերու կնքումը, այլ կմերժե այս կամ այն կարգի ամեն փորձ, որ իմպերիալիզմի նոր ձևը ըլլա, կամ քուլարկումը...» դաշինքներ, որոնց «կնքումը վերադարձ ըլլա իմպերիալիստական իշխանության»¹⁴:

Մինչև 1945 թվականի սկիզբը բանակցությունները շարունակվեցին առանց դրական արդյունքի: Սկզբունքով ընդունելով հանդերձ Սիրիայի և Լիբանանի անկախությունն ու սուվերենությունը, ֆրանսիական իմպերիալիստները գործնականում ոչինչ չէին անում քաղաքական և ղինվորական իշխանությունը Սիրիայի և Լիբանանի ժողովուրդներին փոխանցելու ուղղությամբ: Ակնհերձ էր, որ նրանք ուզում էին ժամանակ շահել, սպասում էին պատերազմի վախճանին, Ֆրանսիայի համար միջազգային բարենպաստ իրադրություն ստեղծվելուն:

Բանակցությունները երկար ձգձգելուց հետո, 1945 թ. հունվարին ֆրանսիական իմպերիալիստները մերժեցին Սիրիայի և Լիբանանի կառավարություններին փոխանցել տեղացիներից կազմված այն ղորամասերը, որոնք դործում էին ֆրանսիական դրոշի ներքո: Այդ մերժումը դիտելով իբրև ապա-

¹² Կոմիստերնի լուծարից հետո 1943 թ. ղեկավարներին, Սիրիայի և Լիբանանի կոմունիստական պարտիայի համագումարը, ի նկատի ունենալով այն հանգամանքը, որ Սիրիայում և Լիբանանում առաջացել էին սոցիալ-քաղաքական միանգամայն տարբեր պայմաններ, որոշում ընդունեց այդ երկրներից յուրաքանչյուրի համար ստեղծել առանձին պարտիա:

¹³ «Ժողովուրդի Ձայն», 17 հունվարի 1945 թ.:

¹⁴ Նույն տեղում:

ցույց Սիրիայի և Լիբանանի ապագայի նկատմամբ Ֆրանսիայի իմպերիալիստական դիտավորությունների մասին, Բեյրութի և Դամասկոսի կառավարությունները որոշեցին հակահարված տալ համապատասխան միջոցառումներով:

Իբրև անկախ և սուվերեն պետություններ Սիրիան և Լիբանանը միջոցներ ձեռք առան ազգային բանակ կազմելու համար: Սակայն, Ֆրանսիական իմպերիալիստները, որոնք փաստորեն տակավին իրենց ձեռքում ունեին այդ երկրների քաղաքական և զինվորական իշխանությունը, հակադրվեցին այս ծրագրի իրագործմանը: Լիբանանում նրանց հաջողվեց ազգային բանակի կապակցությամբ տարածայնություն առաջացնել իսլամների և քրիստոնյաների միջև և անորոշ ժամանակով հետաձգել ծրագրի գործադրությունը: Իսկ Սիրիայում նրանց խաղը ձախողվեց:

Ֆրանսիական իմպերիալիստները փորձեցին Սիրիայի քրիստոնյաներին, այդ թվում նաև հայերին ներշնչել այն տպավորությունը, որ ազգային բանակը ամենից առաջ միջոց էր դառնալու իսլամների ձեռքին քրիստոնյա փոքրամասնությունները ճնշելու համար: Սակայն, նրանց լսողներ չգտնվեցին: Ընդհակառակը, այդ գործելակերպը Սիրիայի ներքին գործերին միջամտություն համարելով, ժողովրդական զանգվածները առանց ազգության և կրոնի խտրության հանդես եկան ազգային կառավարության կողքին, պաշտպանելով ազգային բանակ կազմելու ծրագիրը: Հայ աշխատավորության թերթը նշում էր, որ «Հայի և արաբի, իսլամի և քրիստոնյայի արվեստական թշնամություններ առաջացնել փորձողները դարձյալ ձախողեցին իրենց նպատակներու մեջ»¹⁵:

Հունվարի վերջերին Սիրիայում հայտարարվեց ընդհանուր գործադուլ՝ Ֆրանսիական զորքերի անհապաղ մեկնումը պահանջելով Ավելի քան տասը օր փակ միացին շուկաները, հասարակական և մասնավոր հիմնարկները¹⁶, Դամասկոսում, Հալեպում, Համայում, Հոմսում և ուրիշ քաղաքներում տեղի ունեցան ժողովրդական բողոքի ցույցեր: Մի շարք վայրերում ցուցարարները բախվեցին Ֆրանսիական զորքի հետ: Ամենուրեք, և առանձնապես Հալեպում, որտեղ շատ հայեր են ապրում, հայ ժողովրդի աշխատավոր զավակները ակտիվ մասնակցություն ունեցան այդ ելույթներին: Հայ աշխատավորության թերթի հաղորդումով, Հալեպի հայաբնակ նոր գյուղում «...ուսանողությունը և ժողովուրդը խաղաղ ցույցերով և հայ-արաբ եղբայրության անհրաժեշտությունը շեշտող ճառերով հրավիրեցին մեր հայրենակիցները տեղականելու իրենց սուրիացիի իրավունքներուն»¹⁷:

Ֆրանսիական իմպերիալիզմի խարխլած դիրքերը վերջնական փլուզումից փրկելու նպատակով, գերագույն կոմիսար գեներալ Բեյնեն համաձայնվեց Սիրիայի և Լիբանանի ներկայացուցիչների հետ բանակցություններ վարել տեղացիներից կազմված զորամասերը փոխանցելու հարցի շուրջը: Բացի այդ, ընդառաջելով ազգային կառավարությունների պահանջին, նա խոստացավ աստիճանաբար Ֆրանսիական զորքերը դուրս բերել Սիրիայից և Լիբանանից:

¹⁵ «Ժողովուրդի ձայն», 4 փետրվարի 1945 թ.:

¹⁶ Նույն տեղում:

¹⁷ Նույն տեղում:

Սակայն դեպքերի ընթացքը ցույց տվեց, որ այդ խոստումները սոսկ ձևական բնույթ էին կրում: 1945 թ. մայիսին, երբ համայն աշխարհը տոնում էր ֆաշիզմի դեմ տարած հաղթանակը, որի նվաճման համար մղված աշխարհամարտում աֆրիկյան շատ էր խոսվել դեմոկրատիայի և ժողովուրդների ազգային ինքնորոշման իրավունքի մասին, ֆրանսիական իմպերիալիզմը ոչ միայն զորքերը չէր հեռացնում Սիրիայից, այլև այնտեղ ուղարկում էր ցամաքային և ծովային նոր միավորներ: Նույն թվականի մայիսի 18-ին գեներալ Բեյնեն Ֆրանսիայի անունից Սիրիայի և Լիբանանի կառավարություններին հանձնեց նոր պայմանագրի նախագիծը, որն այդ երկրների անկախությունը սահմանափակում էր կոլոնիալ-տնտեսական ներքին ինքնավարությամբ և Ֆրանսիային տալիս էր օդային, ցամաքային և ծովային բազաներ ունենալու, ինչպես նաև ստրատեգիական կետերում մշտապես զորք պահելու իրավունքներ: Մայիսի 19-ի համատեղ խորհրդակցությունից հետո, Սիրիայի և Լիբանանի կառավարությունների ներկայացուցիչները հայտարարեցին, որ Ֆրանսիայի այդ քայլը «ոտնձգություն է երկու երկրների գերիշխանության դեմ» և որ Սիրիան և Լիբանանը որոշել են «իրենց ջանքերն ու գործունեությունը միացնել երկու երկրներու անկախության պաշտպանության համար»¹⁸:

Սիրիայում և Լիբանանում ծավալվեց ազգային-ազատագրական ռևոլյուցիոն շարժումների հզոր ալիք, որը տևեց մինչև հունիսի կեսերը: Այդ երկրների հայությունը նորից կանգնեց արաբ ժողովրդի կողքին, և նրա հայրենասիրական կազմակերպությունները մասնակցեցին գործադուլներին ու ցույցերին:

Մայիսի 20-ին հրապարակվեց Լիբանանի կոմունիստական պարտիայի կենտկոմի կողմից ուղղված հայ ժողովրդին: Նշելով, որ «Երկրի ազգային իրավունքներու պաշտպանության ներկա շարժումին կմասնակցին անխտիր Լիբանանի բոլոր զավակները», կոչը շեշտում էր. «Սակայն, օտար հետադիմության հաշվոյն աշխատող տարրեր, որոնք միշտ պղտոր ջուրին մեջ ձուլ ուսալը արհեստ ըրած են, կփորձեն մտքերը պղտորել, քրիստոնյան և իսլամը, հայն ու արաբը իրարու դեմ հաճել, յուրաքանչյուրին այնպես հավատացնել փորձելով թե այս շարժումը իրեն դեմ ուղղված է: Իրենց խառնակիչ այս հերյուրածո սուտերով ֆաշիստա-իմպերիալիստական շրջանակները կձգտին պառակտել ժողովրդի պայքարի միասնականությունը, փոխադարձ անվստահության և անապահովության մթնոլորտ ստեղծել երկրին բաղկացուցիչ տարրերուն միջև և այսպես Լիբանանի ազգային պայքարը շեղել իր նպատակեն»:

Հայ ժողովուրդ,

Լիբանանի արաբ ժողովուրդը ոչ մեկ թշնամություն ունի հայ ժողովուրդին հանդեպ: Ընդհակառակը անիկա տոգորված է բարեկամական լավագույն զգացումներով և կհավատա թե հայ ազատասեր ժողովուրդն ալ իրեն պես կխորհի:

Մենք վստահ ենք, թե ինչպես անցյալին, նույնպես ներկայիս, հայ ժողովուրդը ձախողության պիտի մատնե ամեն գույնի գրգռիչներու դավադրությունները: Հայ ժողովուրդը, գիտակից իր ազգային պապահովության շահերուն,

¹⁸ «Ժողովուրդի Ձայն», 22 մայիսի 1945 թ.:

գիտակից թե լիբանանի ժողովուրդին հացի և ազատության համար մղած պայքարը իր ալ պայքարն է, պիտի շարունակե տեղացի ժողովուրդին հետ հաշտ ու խաղաղ ապրելու իր հեռատես և իմաստուն քաղաքականությունը»¹⁹։

Լիբանանի կոմունիստական պարտիայի հայկական հատվածի ջանքերով, հայ հայրենասիրական կազմակերպությունները լայն աջակցություն էին ցույց տալիս Լիբանանի ազգային համագումարի գործունեությանը։ Ազգային համագումարի միջոցառումներին բացի կոմունիստներից, մասնակցում էին նաև Հնչակյան, Ռամկավար պարտիաները, ինչպես նաև Լիբանանահայ Վերածնունդ միությունը և ուրիշներ։ «Ժողովուրդի Ձայն», «Արարատ» և «Զարթոնք» օրաթերթերը, արձագանքելով Ազգային համագումարի միջոցառումներին, կոչ էին անում հայ հասարակության ակտիվ մասնակցության համար։

Մայիսի 19—22-ի ելույթներից հետո, մայիսի 30-ին, առաջ քաշելով բոլոր պարտիաների, բոլոր կազմակերպությունների մասնակցությամբ համա-ժողովրդական շարժում ստեղծելու անհրաժեշտությունը, Լիբանանի ազգային համագումարը որոշում ընդունեց ամբողջ երկրում ընդհանուր գործադուլ անցկացնելու մասին։ Ազգային համագումարի գործկոմի առաջարկով, գործադուլի կազմակերպիչ հանձնաժողովի մեջ մտան նաև հնչակյանների, ռամկավարների և հայ կոմունիստների ներկայացուցիչները²⁰։ Բեյրութի հայաբնակ թաղերում՝ Բուրջ Համուդ, Խալիլ Բեդավի, Նոր Հաճրն, Կարանտինա, Մար Մխայիլ, Մեդավվար, էշրեֆիե, Զուկակի էլ-Բլագ և այլն, աշխատավորներից ստեղծվեցին գործադուլային հանձնախմբեր, որոնք հսկայական գերկատարեցին հայ ժողովրդական զանգվածներին ընդհանուր գործադուլի ոլորտը մղելու ուղղությամբ։

Նույնպիսի հայրենասիրական գիրք որդեգրեց նաև Սիրիայի հայությունը։ Մայիսի 25-ին, ընդառաջելով հայ կոմունիստների, հնչակյանների, ռամկավարների և անպարտիական խմբակցությունների ներկայացուցիչների Վստրհրգակցական ժողովի առաջարկությանը, Դամասկոսի ազգային-թեմականը գումարվեց, և միաձայնությամբ ընդունեց հետևյալ բանաձևը. «Սուրիո հայ ժողովուրդը որպես սուրիական քաղաքացի և իր քաղաքացիական պարտականության գիտակից, ներկա տագնապալի օրերուն, իրեն համար նվիրական պարտք կհամարե հայտարարել թե հայ զանգվածը Սուրիո ազգային կառավարության կրեբե իր բովանդակ գործակցությունն ու ղեկավարությունը, զորս կպահանջե օրվան կացությունը, և իր բոլոր մտածումներն ու գործունեությունը կհիմնե այս սկզբունքին վրա»²¹։ Տարբեր դիրքով հանգես չի եկել նաև հյուսիսային Սիրիայի հայությունը։

Դրությունը շափազանց ծանր էր Սիրիայում։ Երկիրը գտնվում էր զինա-յախման նախօրյակին։ Հետագա վճռական իրադարձությունները դիմագրավել կարողանալու մտահոգությամբ, Սիրիայի կառավարությունը ուժեղացրեց ազգային բանակ կազմելու աշխատանքները։ Դամասկոսում և Հալեպում հաստատվեցին հատուկ զբաղենյակներ կամավորներ հավաքագրելու համար։ Թերթերի հաղորդումով, Դամասկոսի «բոլոր թաղերուն մեջ» տեղի էր ունենում սկամավորների արձանագրությունը²²։

¹⁹ «Ժողովուրդի Ձայն», 20 մայիսի 1945 թ.։

²⁰ Նույն տեղում, 2 հունիսի 1945 թ.։

²¹ Նույն տեղում, 26 մայիսի 1945 թ.։

²² Նույն տեղում, 22 մայիսի 1945 թ.։

Այդ շարժումը ժողովրդականություն գտավ նաև հայ աշխատավորության շրջանում: «Ժողովուրդի Ձայն» թերթը գրում էր, որ «սուրիական ազգային նորակազմ բանակին մեջ կամավորագրվելու համար ներքին գործոց նախարարության մոտ դիմում» կատարում էին նաև հայերը: Հալեպում հայերի կամավորագրմանը ուժ էր տալիս ազգային-թեմական իշխանությունը: «Էն-Նասր» թերթը, արձագանքելով Հալեպի ազգային իշխանության մեկ կոչին, որը «Ֆրանսիական բանակի հայ զինվորներին և սլաշտոնյաներին թելադրում էր անմիջապես հրաժարվել և ծառայության մտնել ազգային բանակում», նշում էր, որ «հայ համայնքը բազմաթիվ ժողովներ դումարեց և անհրաժեշտ դատեց մասնակցել ազգային բոլոր միջոցառումներին, նյութական թե բարոյական ամեն կարգի գոհողություններին, մինչև որ Սիրիան ձեռք բերելու իրավունքները, տիրանա իր ամբողջական անկախության և սուվերենությանը»²³:

Սակայն, հայերի այդ վերաբերմունքն ամենեին դուր չէր գալիս ֆրանսիական իմպերիալիզմի զործակալներին: Նրանք առիթ բաց չէին թողնում հայ և արաբ ժողովուրդների սերտ բարեկամությունը խախտելու համար: Ազգամիջյան կռիվներ սուղծելու, և այդպիսով անկախության պայքարում հայ-արաբական միասնությունը ջլատելու նպատակով, նրանք բաց թողեցին մի շարք արաբներն թուցիկներ, հայերին ներկայացնելով Սիրիայի «անկախության հակառակորդ տարր մը»²⁴: Այդ կապակցությամբ, իրեն ուղղված խորհուրդներին պատասխանելով, Սիրիայի մինիստրների խորհրդի նախագահը հայտարարեց. «Հայերը նեցուկ կանգնեցան մեր շարժումին: Հայկական պատվիրակություն մը ինձ մոտ այցելեց և հայերու միասնությունը հայտնեց: Իսկ անդին Ամերիկայի հայերը ընդունելություն մը սարքեցին և պատիվ Սան Ֆրանցիսկոյի մեր ներկայացուցիչներին: Սուրիան բոլոր սուրիացիներուն հայրենիքն է»²⁵:

Մայիսի 29-ին, ֆրանսիական տանկերն ու զրահապատ մեքենաները, որոնք ավելի քան տասն օրե ի վեր շրջում էին քաղաքների և գյուղերի փողոցներում, հարձակման անցան անգլեն Ժողովրդի դեմ: Ֆրանսիական զորքերը կրակեցին ցուցարարների վրա, և ցույցերը վերածվեցին փողոցային մարտերի: Նրանք ուժեղացրին Դամասկոսի պառլամենտի շենքը, զազանաբարոտ արարքներ գործեցին Հոմսում, Համայում, Հալեպում, Ջեբել Դրուզում և այլ վայրերում: Նրանք հրդեհում էին բմբոստ թաղամասերը, գլխաւորում գերի ընկած քաղաքացիներին: Այդ բարբարոսությունների դեմ, Սիրիայում Սովետական Միության դեսպանը բողոքեց գեներալ Բեյնեին, պահանջելով, որ վերջ տրվեն դրանց: Բացի այդ, Սովետական Միությունը առաջարկեց Մեծ Բրիտանիայի, ԱՄՆ-ի և Չինաստանի կառավարություններին միջոցներ ձեռք առնել Սիրիայի և Լիբանանի կռիվները դադարեցնելու և հարցը խաղաղ ճանապարհով կարգավորելու համար:

Սիրիայի և Լիբանանի հետ բանակցություններ սկսելով, ֆրանսիական իմպերիալիստները կատարեցին մի շարք գիջումներ: Դրանցից ամենակարևորն էր՝ տեղացիներից կազմված «մասնավոր» զորամասերի փոխանցումը:

²³ «النصر» دمشق ٢٩ حزيران ١٩٤٥

²⁴ «Ժողովուրդի Ձայն», 22 մայիսի 1945 թ.:

²⁵ Նույն տեղում:

Սակայն գլխավոր հարցը մնում էր առկախ։ Ոչ Ֆրանսիան, ոչ էլ բրիտանական իմպերիալիստները չէին համաձայնվում իրենց գործերը հեռացնել այս երկրներից։ Նշելով, որ անգլիացիները փորձում են Սիրիայում և Լիբանանում գրավել ֆրանսիացիների տեղը, գեներալ գը Գոլը պարզ հայտարարում էր, որ Ֆրանսիան որոշել է չհրաժարվել այդ երկրներում ունեցած իր շահից։ Տակավին Սիրիայի և Լիբանանի ժողովուրդները պետք է լանցենին պայքարի դժվար ուղի այդ հարցի լուծմանն հասնելու համար։

1945 թ. օգոստոսի 31-ին Սիրիայի և Լիբանանի կոմունիստական պարտիաների հայկական հատվածների գլխավորությամբ և Ս.—դ. հնչակյան, Ռամկավար ազատական պարտիաների փորձունեությամբ ստեղծվեց Սիրիայի և Լիբանանի հայ ազգային խորհուրդը, որին հետադադրում միացան Լիբանանահայ վերածնունդ միությունը, Սովետական Հայաստանի բարեկամների ընկերությունը, Սովետական Հայաստանի հետ մշակութային կապի կանանց ընկերակցությունը, գեներալ Բաղդասյանի անվան Երիտասարդական միությունը, Դպրոցասեր կանանց ընդհանուր միությունը, Արաբկիրի հայրենակցական միությունը, Մալաթիայի կրթասիրաց ընկերակցությունը, Հայրենադարձ հայերու ընդհանուր միությունը և ուրիշ բազմաթիվ կազմակերպություններ։ Հայ ազգային խորհրդի պաշտոնական հայտարարության 6-րդ հոդվածում ասված էր «Ազգային խորհուրդը պիտի աջակցի Սուրիո և Լիբանանի ազգային-դեմոկրատական շարժմանը և հայ իրականության մեջ արգելելու որևէ արարք, որ կրնա վնասել Սուրիո և Լիբանանի հայության վարկին և հայեվարաբ խաղաղ հարաբերությանը»²⁶։

1945 թ. դեկտեմբերի 13-ին Լոնդոնում ստորագրվեց անգլո-ֆրանսիական համաձայնագիրը Սիրիայի և Լիբանանի մասին։ Այդ համաձայնագիրը, որի հիմնական նպատակն էր այդ երկրները բաժանել Անգլիայի և Ֆրանսիայի միջև, բխվեց արաբ ժողովրդի վճռական մերժմանը։ Նշելով, որ անգլո-ֆրանսիական համաձայնագիրը «ոտնձգություն մըն է երկրի զերիշխանության և անկախության դեմ», «Լիբանանի կուսակցությանը, կազմակերպությանը և սենդիկաներու (Արհմիությունների—Հ. Թ.) ներկայացուցիչները միաձայնությամբ որոշեցին Լիբանանի ժողովուրդը հրախրել գործադուլի»²⁷, որը տեղի ունեցավ 1946 թ. հունվարի 21-ին։ Հայ ազգային խորհուրդը խոշոր դեր կատարեց հայ ժողովրդական մասսաները անգլո-ֆրանսիական այդ տիրապետչական համաձայնագրի դեմ բռնկված շարժումների ոլորտը ներգրավելու գործում։

Անգլո-ֆրանսիական համաձայնագրի դեմ հանդես եկավ նաև Սիրիայի ժողովուրդը։ Սիրիական և Լիբանանյան պառլամենտների ղեկավարները, հայտարարելով, որ այդ համաձայնագիրը ոտնձգություն է ոչ միայն Սիրիայի և Լիբանանի անկախության, այլև ՄԱԿ-ի սկզբունքների դեմ, պահանջեցին հարցի քննությունը հանձնել Անվտանգության խորհրդին։

Անվտանգության խորհրդի նիստում անգլո-ֆրանսիական իմպերիալիստները միջև վերջն էլ միասնական դիրքով հակադրվեցին Սիրիայի և Լիբանանի արդար պահանջներին։ Նրանց օգնությանը փութացին ԱՄՆ-ի իմպերիալիստները, բայց ապարդյուն։ Սովետական Միության պատվիրակը հան-

²⁶ Ժողովուրդի Ձայն, 2 սեպտեմբերի 1945 թ.

²⁷ Նույն տեղում, 30 դեկտեմբերի 1945 թ.։

դես եկավ անգլո-ֆրանսիական զորքերի Սիրիայից և Լիբանանից անմիջապես և առանց պայմանի հեռացման օգտին, օգտագործելով վետոյի իրավունքը: Անգլո-ֆրանսիական իմպերիալիստները պարտավորվեցին 1946 թ. ապրիլի 17-ին Սիրիայից և այդ տարվա վերջում Լիբանանից հեռացնել իրենց զորքերը: Դրանով այդ երկրները տիրացան իրենց քաղաքական անկախությանը, նոր էջ բացվեց նրանց պատմության համար:

* * *

Տակավին 20-ական թվականներից, ֆրանսիական իմպերիալիստները երազում էին հայերին իբրև միջոց օգտագործել Սիրիայի և Լիբանանի ժողովուրդների ազգային-ազատագրական շարժումները ճնշելու համար: Սակայն այդ երազը մնաց անիրագործելի շնորհիվ հայ աշխատավորության ջանքերին և հակառակ ներքին հետադիմական տարրերի, այդ թվում և դաշնակների կամքին:

Անդրադառնալով 1943 թ. վերջերին Սիրիայի և Լիբանանի ազգային անկախության պայքարում հայերի խաղացած դերին, Հովհ. Աղբաշյանը նշում էր, որ ֆրանսիական իմպերիալիստները «...այն սխալ հաշիվը ըրին, թե հայերը իրենց համար պահեստի ուժ մը պիտի դառնան ընդդեմ արաբ ժողովուրդի ազգային-ազատագրական շարժման: ...Հայերը, ընդհակառակը, կանգնած են արաբ ժողովրդի կողքին և կբաժանեն անոր ցավերը, հույսերը և պայքարները»²⁸:

Հետագայում էլ, հայերը հանդես եկան Սիրիայի և Լիբանանի ազգային անկախությունը պաշտպանելու օգտին, երբ ամերիկյան իմպերիալիստներն իրենց տեղական գործակալների, այդ թվում և դաշնակների ջերմեռանդ աջակցությամբ փորձում էին այդ երկրներում անգլո-ֆրանսիական զորքերի մեկնումով ստեղծված այդպես կոչված «վակուումը» լցնել...: Ամերիկյան գաղութացման փորձերի դեմ մղված պայքարը, որը հանգեց Լիբանանի ժողովրդի 1958 թվականի զինված դիմադրությանը, բազմաթիվ զոհեր խլեց նաև հայ ժողովրդի արժանավոր զավակների՝ հայ աշխատավորության շարքերից:

Նպաստելով արաբ ժողովրդի քաղաքական և տնտեսական անկախության արդար երազանքների իրականացմանը, հայ աշխատավորության կադմակերպությունները ամրապնդում են հայ և արաբ ժողովուրդների բարեկամությունը, պայմաններ ստեղծում երկու ժողովուրդների եղբայրական միասնության, խաղաղ ու բարօր կյանքի համար: Այդ տեսակետից, 1943—1945 թթ. Սիրիայի և Լիբանանի ազգային անկախության վճռական պայքարին հայերի մասնակցությունը խոր հետքեր է թողել արաբական երկրների հայկական գաղթավայրերի պատմության մեջ:

²⁸ «Ժողովուրդի Ձայն», 7 հունվարի 1944 թ.: